

Presidente di Comité Olimpico Internacional, Thomas Bach a bishita proyecto Aruba Doet

Diasabra atardi, Presidente di IOC, Thomas Bach y e Comité di Ehecucionan a realiza un bishita na e proyecto anual Aruba Doet, cual ta un unda personanan den nos comunidad ta bini hunto pa den forma boluntario yuda na mantene un acomodacion of lugar cu mester di e ayudo aki.

A scoge pa bishita e scol nobo di gimnasia esta Gilhae Gymnastics unda diferente trabou di mantencion tabata tumando lugar. Como e lider maximo di e deporte mundial, Thomas Bach ta kere hopi den boluntarismo den un comunidad unda hendenan ta bini hunto y yuda otro pa logra un solo meta. Bo ta yuda hendenan den bo sociedad bira un mihor persona semper.

Na final, Sr. Bach a intercambia cu e hoben atletanan di gimnasia.

Y ayera, despues di dos dia oficial di trabou na nos isla, Presidente di Comité Olimpico Internacional, Thomas



Bach a culmina su bishita na Aruba.

Bach y henter e Comité di Ehecucionan a biaha back pa Suiza despues di un gira di casi dos siman den Centro America y Caribe. Na su salida tabat'ey presente, Presidente di COA, Wanda Broeksema acompaña pa sec-

retaria general di COA y vice presidente di IOC, Nicole Hoevertsz.

Henter e delegacion a keda satisfecho cu e bishita na Aruba.

Informacion y potret di Comité Olimpico Arubano.



Presidente di IOC Thomas Bach hunto cu Presidente di PanAM Sport Nevin Illic a bishita Ministerraad

Diabierna ultimo, tras di merdia a aterisa na Aruba un private jet cu un delegacion di 9 persona. E delegacion aki a bini Aruba pa haci algun bishita hopi special y alabes asisti na e apertura oficial di e Head Quarter di Comité Olimpico Arubano (COA).

Sr. Thomas Bach, Presidente di International Olympic Committee (IOC) hunto cu Presidente di PanAM Sport Neven Illic, James Mac Leod Director of Olympic Solidarity Funds, Joanna Zipser-Graves Señor Manager NOC management programmes of Olympic Solidarity, demas miembronan internacional compaña pa Wanda Broeksema Presidente di COA, Nicole Hoevertsz Vice Presidente di IOC y Secretaris General di di COA a haci un bishita oficial na Ministerraad, yama Extraordinario diabierna atardi. Despues cu nan a atersia mesora a pasa di bishita na Gobernador pa despues sigui pa Minister-



raad Extraordinario. mesun anochi tabata tin un seccion cu stakeholders priva y alabes un recepcion na Seaport.

Durante e reunion cu Ministerraad, Prome Minister di Aruba Evelyn Wever-Croes a introduci su ministernan y a hiba den liñanan grandi e posicion di Aruba despues di pandemia. Thomas Bach despues a duna un introduccion di e balornan di deporte manera excelencia, amistad y respet, pero tambe a splica e necesidad pa e apoyo di gobierno na deporte. Thomas a expresa tambe cu el a nota e tremendo colaboracion en-

tre gobierno y stakeholders deportivo, cual e ta aplaudi. Minister Endy Croes a hiba palabra splicando cu e combinacion di enseñansa y deporte ta e combinacion perfecto. Ta manera "twin brothers" and "twin sisters".

A comenta inversionnan cu ta haciendo den nos atletanan y infraestructura. Sr. Thomas Bach, Sr. Neven Illic y delegacion a keda hopi contento cu e reunion. Por a intercambia hopi idea y hopi cla a keda atras e importancia pa inverti den deporte. Thomas Bach y delegacion tabata tin palabra di elogio pa Aruba. Na final



Minister Presidente a entrega un buki di Aruba como regalo na e presidentenan. Por mira atras riba un reunion fructifero y unico, unda por

a intercambia cu topnan den deporte riba plataforma mundial puntonan strategico y al caso, segun un comunicado di gobierno.